

Í-HUT-SÓ· JÍN SU (49)

1 Tùi Siōng-tè ê chí-ì choè Ki-tok Iâ-so· ê sù-tô·, Pó-lô, phoe kià hō· tiàm Í-hut-só· chiah ê sèng-tô·, tiong-sìn tī Ki-tok Iâ-so· ê; ²goān lín tùi lán ê Pē Siōng-tè kap Chú Iâ-so· Ki-tok tit-tiòh un-tián pêng-an.

³Goān lán ê Chú Iâ-so· Ki-tok ê Siōng-tè, iā sī I ê Pē, tit-tiòh o-ló; I tī Ki-tok bat siúⁿ-sù lán tī thiⁿ-nīh ták hāng siók tī sìn ê hok-khì; ⁴chiū-sī chiàu I chhòng-chō sè-kan ê tãi-seng tī Ki-tok keng lán, hō· lán tī I ê bīn-cheng chiāⁿ-choè sèng, bô thang hiām; ⁵I chiàu I ê chí-ì só· hoaⁿ-hí ê, ēng jīm-ài tãi-seng tiāⁿ-tiòh lán tùi Iâ-so· Ki-tok tit-tiòh choè kiāⁿ, lâi kui tī I, ⁶hō· I un-tián ê ēng-kng tit-tiòh o-ló; chit ê un-tián chiū-sī I tī só· thiāⁿ ê Kiáⁿ siúⁿ-sù lán ê; ⁷tiàm-tī I lán tùi I ê huìh tit-tiòh siók-hoê, sià-bián choē-koà, chiàu I un-tián ê pù-ū; ⁸I chiong chit ê un-tián, ēng ták iūⁿ ê tì-hūi kap kiàn-sek, siúⁿ-sù lán kàu moá-moá; ⁹í-keng hō· lán chai I chí-ì ê ò-biāu, chiàu I ê hó ì, chiū-sī I tī pún-sin só· tãi-seng tiāⁿ-tiòh ê, ¹⁰beh tī chiah ê jīt-kī oân-moá ê sī, siat-hoat hō· bān mīh, put-lūn tī thiⁿ-nīh ê tī toē-nīh ê, lóng tī Ki-tok lâi háp-it; ¹¹tiàm-tī I lán iā chiāⁿ-choè ke-giáp, chiū-sī tãi-seng siū tiāⁿ-tiòh ê, chiàu hit ê thàn ka-kī ê chí-ì kiāⁿ bān-hāng-ū ê ê ì-sù, ¹²beh hō· I ê ēng-kng tùi goán tãi-seng òng-bāng tī Ki-tok ê lāng tit-tiòh o-ló; ¹³tiàm-tī I lín iā í-keng thiaⁿ-kìⁿ chin-lí ê tō, kiù lín ê hok-im, kì-jian sìn chiū tiàm-

tī I ū siū só· èng-ún ê Sèng Sìn khàm-in, ¹⁴I chiū-sī choè lán sêng-chiap giáp ê chún-tng, kàu Siōng-tè só· tit-tiòh ê giáp siók-hoê, hō· I ê ēng-kng tit-tiòh o-ló.

¹⁵In-ūi án-ni goá kì-jian thiaⁿ-kìⁿ lín tiong-kan tī Chú Iâ-so· ê sìn, kap hián-chhut tī cheng sèng-tô· ê jīm-ài, chiū ūi-tiòh lín kám-siā bô soah, kī-tó ê sī siāu-liām lín; ¹⁷kiù lán ê Chú Iâ-so· Ki-tok ê Siōng-tè, ēng-kng ê Pē, siúⁿ-sù lín tì-hūi khé-sī ê Sìn, lâi chhim bat Siōng-tè; ¹⁸lín ê sim-bák tit-tiòh kng-bēng, hō· lín chai I tiàu lāng só· òng-bāng ê sī cháiⁿ-iūⁿ, I ê giáp tī sèng-tô· tiong ēng-kng ê pù-ū kàu cháiⁿ-iūⁿ, ¹⁹koh chai I ê koân-leng òng tī lán chiah ê sìn ê lāng toā kàu cháiⁿ-iūⁿ, ²⁰chiàu I cheng só· bat kiāⁿ tī Ki-tok toā koân-leng toā khui-lát ê kong-iōng, hō· I tùi sí-lāng tiong koh-oáh, tī thiⁿ-nīh chē I ê toā pêng, ²¹poāⁿ-kè lóng-chóng pān cheng-sū ê, chiáng-koân ê, chái-leng ê, tī-lí ê, kap it-chhè só· hō ê miā, m̄ nā tī kim-sè iā tī lâi-sè, lóng poāⁿ-kè hng-hng; ²²koh hō· bān-hāng-ū hāng-hók tī I ê kha-ē, koh chiong I choè koán bān-ū ê thau, lâi siúⁿ-sù kàu-hoē; ²³kàu-hoē sī I ê seng-khu, I só· chhiong-moá ê; I iā sī ēng bān ū chhiong-moá bān ū ê.

2 Koh lín pêng-sò· tùi lín ê kè-sit lín ê choē-koà lâi sí ê, I iā bat hō· lín koh-oáh; ²sī lín cheng kiāⁿ tī hit tiong-kan, thàn chit sè-kan ê hong-siók, kap khong-tiong chiáng-koân ê

kun-ông, chiū-sī hiān-kim ūn-hêng tī poē-gék ê lâng hit ê sîn; ³kî-tiong goán cheng iā lóng tī goán jiók-thé ê su-iók teh kiâⁿ-choè, thàn jiók-thé kap sim-lāi ê ì-sù, seng-sêng sī choè thang siū-khì ê, chhin-chhiūⁿ pát lâng chit iūⁿ; ⁴chóng-sī Siōng-tè ê lín-bín chin hong-sêng, ūi-tiòh I thiàⁿ lán ê toā jîn-ài, ⁵tng lán tui kè-sit í-keng sí ê sī, chiū hō· lán kap Ki-tok tâng-oah, (lín tui un-tián tit-tiòh kiù), ⁶iā hō· lán tī Ki-tok Iâ-so· kap I tâng khí-lâi, tâng chē tī thiⁿ-nih; ⁷koh tui I tī Ki-tok Iâ-so· só· siúⁿ-sù lán ê jîn-chū, beh tī āu sè-tāi hián-bêng I un-tián ê kék pù-ū; ⁸in-ūi lín tui un-tián tit-tiòh kiù, sī tui sìn; che iā m̄ sī chhut tī lín pún-sin, sī Siōng-tè só· siúⁿ-sù; ⁹m̄ sī chhut tī só· kiâⁿ, bián-tit lâng khoa-kháu. ¹⁰In-ūi lín sī I só· choè-chiâⁿ ê, siū chhòng-chō tī Ki-tok Iâ-so·; lâi kiâⁿ hó sū, chiū-sī Siōng-tè tãi-seng pī-pān ê, beh hō· lán kiâⁿ i.

¹¹Só·-í lín tiòh kî-tit lín cheng chiàu jiók-thé choè goā-pang lâng, hō· hiah ê chheng choè kat-lé ê lâng chheng lín choè bô siū kat-lé, in ê kat-lé chiū-sī tui lâng ê chhiú só· kiâⁿ tī jiók-thé ê; ¹²hit sī lín bô Ki-tok, Í-sek-liát ê kok bô hūn, tī chiah ê èng-ún ê iók bô kan-siáp, bô só· òng-bāng, tiàm-tī sè-kan m̄ bat Siōng-tè. ¹³Lín pêng-sò· lī-khui hng-hng ê, taⁿ tiàm-tī Ki-tok Iâ-so·, tui I ê huìh ū tit-tiòh kùn-oá. ¹⁴In-ūi I sī choè lán ê hô-pêng, hō· nng pêng choè chit-ê, thiah-khì hit tiong-kan saⁿ-keh ê chhiūⁿ, koh tī I ê jiók-thé hoè-bô kiat oan-siū ê in-toaⁿ, chiū-sī chiah ê kài-bêng ê lút-hoat, kî-chài tī kui-lê ê; beh tī I pún-sin, chiong nng pêng chō-chiâⁿ chit ê sin ê lâng, lâi sêng-chiū hô-pêng; ¹⁶koh í-keng tī sip-jī-kè tū-khì hit ê oan-siū, beh hō· nng pêng, tī chit thé, tui sip-jī-kè, kap Siōng-tè hô; ¹⁷koh lâi thoân hô-pêng hō· lín hng ê lâng, iā thoân hô-pêng

hō· kùn ê; ¹⁸in-ūi tui I, lán nng pêng tī chit ê Sîn tit-tiòh chhin-kùn Pē. ¹⁹Ān-ni lín bô koh choè goā-bīn lâng, kià-kha ê; chiū-sī kap chiah ê sêng-tô· siāng kok, choè Siōng-tè ke-lāi ê lâng, ²⁰siū khí-chō tī chiah ê sù-tô· kap sian-ti ê toē-ki téng, Ki-tok Iâ-so· ka-kī choè chhù-kak iàu-kín ê chiòh; ²¹chāi-tī I kîⁿ-nā só· khí ê, lóng saⁿ liân-lók, tiàm-tī Chú lâi chiām-chiām chiâⁿ-choè sêng-tián; ²²lín iā tiàm-tī I saⁿ-kap siū khí-chō, chiâⁿ-choè Siōng-tè ēng Sîn só· khiā-khí ê chhù.

3 In-ūi án-ni, goá Pó-lô, ūi-tiòh lín goā-pang lâng choè Ki-tok Iâ-so· ê siū-hoân, ²lín nā bat thiaⁿ-kìⁿ Siōng-tè ūi-tiòh lín só· siúⁿ-sù goá un-tián ê chit-hūn, ³chiū-sī ēng khé-sī hō· goá chai hit ê ò-biāu, chhin-chhiūⁿ goá í-keng ū tãi-liók siá ê, ⁴lín thak i, chiū oē hiáu-tit goá chai-iaⁿ Ki-tok ê ò-biāu, ⁵sī cheng tãi bē bat hō· lâng chai ê, bô chhin-chhiūⁿ hiān-kim tī Sêng Sîn khé-sī I chiah ê sêng ê sù-tô· sian-ti chit iūⁿ, ⁶chiū-sī goā-pang lâng tī Ki-tok Iâ-so·, tui hok-im, tâng choè hō·-sū, tâng choè chit ê sin-thé, saⁿ-kap ū hūn tī só· èng-ún ê; ⁷goá choè chit ê hok-im ê chhe-ēng, chiàu Siōng-tè un-tián ê siúⁿ-sù, chiū-sī chiàu I ê koân-lêng só· ūn-hêng lâi siúⁿ-sù goá ê, ⁸Goá sī cheng sêng-tô· tiong siōng tē it soè ê tit-tiòh chit ê un-tián siúⁿ-sù goá, thang chiong Ki-tok boē chhek-tók-tit ê pù-ū thoân hō· goā-pang, ⁹iā hō· cheng lâng lóng bêng-pék chit ê ò-biāu sī cháiⁿ-iūⁿ an-pai, chiū-sī lèk-tāi í-lâi khng-bát tī chō bān mih ê Siōng-tè ê; ¹⁰taⁿ beh tui kàu-hōe hō· tī thiⁿ-nih chiah ê pān cheng-sū ê, ū koân-lêng ê, chai Siōng-tè pah-poaⁿ ê tì-hūi, ¹¹chiàu I tī lán ê Chú Ki-tok Iâ-so· só· tiāⁿ-tiòh bān tãi ê chí-ì; ¹²tiàm-tī I lán chiah-ê tui sìn I, ū hó-táⁿ koh hāi-chāi, lâi chhin-kùn Siōng-tè. ¹³Só·-í kiū lín bôh-tit ūi-

tiòh goá thoè lín só· siū ê hoān-lân lâi loé-chì; che sī lín ê êng-kng.

¹⁴In-ūi án-ni goá kūi-lòh tī Pē ê bīn-chêng, ¹⁵chiū-sī tī thiⁿ-téng toē-chiūⁿ lóng-chóng ê ke tui I lâi hō miā ê, ¹⁶kiū I chiàu I êng-kng ê pù-ū, tui I ê Sîn, êng koân-lêng hō· lín sim-lâi íong-kiāⁿ; ¹⁷hō· Ki-tok tui lín ê sìn lâi khiā-khí tī lín ê sim, hō· lín ū têng kun, hē toē-ki tī jîn-ài, chiah oē kap lóng-chóng ê sèng-tô· hiáu-ngō· hit ê tng, khoah, koāiⁿ, chhim, ¹⁹iā chai Ki-tok ê thiāⁿ, chiū-sī poāⁿ-kè tī lêng só· oē chai ê thiāⁿ, hō· lín chiàu Siōng-tè chiàu-pī ê chhiong-moá lâi tit-tiòh chhiong-moá.

²⁰Siōng-tè oē kiāⁿ-choē poāⁿ-kè tī lán it-chhè só· kiū só· siūⁿ ê, chiū-sī chiàu I só· ūn-hêng tī lán ê koân-lêng, ²¹goān tī kàu-hoē kap tī Ki-tok Iā-so· êng-kng kui I kàu bān sè, tãi-tãi bô soah. À-bēng.

4 Só·í goá tiām-tī Chú choē siū-hoān ê, khng lín kiāⁿ tãi-chì tiòh háp tī só· siū ê tiâu, ²hoān sū khiam-sùn, un-jiū, êng thun-lún, tī jîn-ài saⁿ khoan-iōng; ³êng hô-pêng saⁿ kiāt-liân, tì-i siú Sèng Sîn só· siúⁿ-sù ê háp-it. ⁴In-ūi thé chit-ê, Sîn chit-ê, chhin-chhiūⁿ lín siū tiâu ê òng-bāng iā sī chit-ê, ⁵Chú chit-ê, sìn chit-ê, soé-lé chit-ê, ⁶Siōng-tè chit-ê, choē chêng-lâng ê Pē, tī bān-ū ê téng-bīn, koān-choàn tī bān-ū, tiām-tī bān-ū ê. ⁷Chóng-sī êng un-tián hō· lán ták lêng, sī chiàu Ki-tok un-sù ê hūn-liōng. ⁸Só·í kóng, “I seng koāiⁿ ê sī chiū liáh hiah ê siū liáh ê, Iā chiong chiah ê un-sù pun hō· lêng,” ⁹Taⁿ kì-jiân kóng, I seng koāiⁿ, kiám m̄ sī I bat kàng-lòh tī toē ē mah? ¹⁰Hit ê kàng-lòh ê chiū-sī hit ê seng-koāiⁿ tī chiah ê thiⁿ ê téng-bīn ê, beh chhiong-moá bān m̄h.) ¹¹I só· siúⁿ-sù ê, ū sù-tô; ū sian-ti, ū thoān hok-im ê, ū bók-su kap sian-siⁿ, ¹²ūi-tiòh beh hō· sèng-tô· chiàu-pī, lâi choē chhe-

êng ê kang, khí-chō Ki-tok ê sin-thé; ¹³tit-kàu lán chêng lêng tī sìn, í-kíp bat Siōng-tè ê Kiáⁿ, lâi háp-it, kàu chiāⁿ chit ê oân-choān ê lêng, kàu tit-tiòh Ki-tok ê chhiong-moá lâi tióng-sêng, hit pan; ¹⁴beh hō· lán bô koh choē gín-ná, hō· ták iūⁿ kà-sī ê hong iô-choah phiau-liú, tióng-tiòh lêng ê khui-kè, kap môa-phian, tì-kàu hō· lêng chha-biū ê hoat-sút; ¹⁵sī tiām-tī jîn-ài kóng oē chin-sit, hō· lán tī bān hāng chiām-chiām toā, kàu tī hit ê choē Thâu ê, chiū-sī Ki-tok; ¹⁶tui tī I, choān sin kiāt-háp liân-lók, chiū-sī tui pah-chat ê saⁿ chiap-êng, chiàu ták thé kai-jiân ê ūn-tōng, tì-kàu seng-khu ná tióng toā, tī jîn-ài ka-kī khí-chō.

¹⁷Só·í goá kóng i, koh tī Chú chêng-bêng i, lín ê só· kiāⁿ m̄ thang koh chhin-chhiūⁿ goā-pang lêng ê só· kiāⁿ, in ê sim-chì khang-khang, ¹⁸in ê sim-su o·-àm, keh-tng tī Siōng-tè ê oáh-miā, sī tui in m̄ chai-iaⁿ, in ê sim kong-ngī; ¹⁹kì-jiân sòng-sit liōng-sim, chiū hòng-chhiōng ka-kī tī siā-phiah, tui tham lâi kiāⁿ ták iūⁿ ê ù-oē. ²⁰Nā-sī lín hák-sip Ki-tok m̄ sī án-ni; ²¹lín nā kó-jiân thiaⁿ-kìⁿ I, koh tī I siū kà-sī, chiàu tī Iā-so· só· ū ê chin-sit; ²²chiū-sī lūn-kàu chiōng-chiān ê kiāⁿ-choē, lín thng-khì kù ê lêng, chiū-sī chiàu ín-iú lêng ê su-iók teh pāi-hoāi ê; ²³koh lín sim-sin oāⁿ sin, ²⁴chhēng hit ê sin ê lêng, chiū-sī chiàu Siōng-tè êng chin-lí ê gī kap sèng lâi chhòng-chō ê.

²⁵Só·í tiòh tū-khì pēh-chhát, ták lêng kap i ê chhù-piⁿ kóng chin-sit, in-ūi lán saⁿ-kāng choē thé. ²⁶Lín siū-khì, tiòh m̄ thang hoān-choē; ū kek siū-khì, m̄ thang kàu jit-lòh, ²⁷iā m̄ thang hō· Mô·kúi ū phāng thang jip. ²⁸Thau-théh ê bôh-tit koh thau-théh, lêng-khó· tiòh-boā, chhin-chhiú choē hó ê kang, chiah ū thang pun hō· khiām-kheh ê lêng.

²⁹Lín ê chhui lóng m̄ thang kóng-chhut lâ-sâm ê oē, tók-tók tiòh kóng hó oē, chiàu kip-sī ê khiàm-kheh lâi chō-chiū i, hō· thiaⁿ ê lāng tit-tiòh un-tián. ³⁰Iā bōh-tit hō· Siōng-tè ê Sèng Sîn iu-būn, chiū-sī só· bat ēng lâi khàm-in lín, kàu tī siók-hoē ê jīt ê. ³¹It-chhè ê khó·-tók, oàn-hūn, siū-khì, soan-jíong, húi-pòng, í-kip it-chhè ê ok-tók, lóng tiòh tui lín tiong-kan tū-khì. ³²Koh tiòh ēng jîn-chū saⁿ khoán-thāi, chūn lín-bín ê sim; tãi-ke saⁿ sià-bián, chhin-chhiūⁿ Siōng-tè tī Ki-tok bat sià-bián lín chit iūⁿ.

5 Lín kì-jiân choè Siōng-tè só· thiàⁿ ê kiáⁿ, tiòh òh Siōng-tè. ²Iā tiòh kiáⁿ tī jîn-ài, chhin-chhiūⁿ Ki-tok bat thiàⁿ lín, thoè lán hiàn ka-kī choè lé-mih choè chè-sū, phang-phang tī Siōng-tè ê bīn-chêng. ³Nā-sī kan-ìm kap it-chhè ê ù-oē, á-sī tham-sim, tī lín tiong-kan liân kóng-khí iā m̄ thang, chiaⁿ sī chiàu sèng-tô· só· háp-gī ê; ⁴kiàn-siàu sū, kap phū-phiò ê oē, á-sī hì-hiauh ê oē, iā sī put-kai; khah hó tiòh kóng kám-siā ê oē. ⁵In-ūi lín khak-sít chai kīⁿ-nā ìm-loān ê, á-sī ù-oē ê, á-sī tham-sim chiū-sī pài ngó·-siōng ê, lóng boē tit thang sêng-chiap ke-giáp tī Ki-tok kap Siōng-tè ê kok. ⁶Lín bōh-tit hō· lāng ēng bô-iaⁿ oē só· khi-phiàn; in-ūi Siōng-tè ê siū-khì ūi-tiòh chiaⁿ ê sū kàu tī poē-gèk ê lāng. ⁷Só·-í lín bōh-tit kap in ū hūn. ⁸In-ūi lín chêng sī àm, nā-sī taⁿ tiàm-tī Chú sī kng, tiòh chiàu kng-bêng ê lāng lâi kiáⁿ, ⁹in-ūi kng ê kiát-chí chāi-tī it-chhè ê hó kap gī kap chin), ¹⁰giām-bêng sím-mih sī Chú só· hoaⁿ-hí ê. ¹¹Bōh-tit chham-chhap tī o·-àm bô hāu-kó ê kiáⁿ-choè, khah hó tiòh chek-pī in; ¹²in-ūi in tī àm-chīⁿ só· kiáⁿ ê, liân kóng to· kiàn-siàu. ¹³Tók-tók hoān sū siū chek-pī ê chiū-sī hō· kng só· hián-bêng; in-ūi kīⁿ-nā siū hián-bêng ê lóng sī kng.

¹⁴Só·-í kóng, Khùn ê lāng tiòh chhiⁿ, tui sí-lāng tiong khí-lâi, chiū Ki-tok ê kng beh chiò lí.

¹⁵Só·-í tiòh chim-chiok khoàⁿ lín ê só· kiáⁿ sī cháiⁿ-iūⁿ, m̄ thang chhin-chhiūⁿ bô tì-sek ê, ¹⁶tiòh chhin-chhiūⁿ ū tì-sek ê, tiòh pó-sioh kī-hoē, in-ūi tong-kim ê sī-sè siā-ok. ¹⁷Só·-í m̄ thang gōng-gōng, tiòh bêng-pék sím-mih sī Chú ê chí-ì. ¹⁸Iā bōh-tit chiú-chui, oē tì-kàu hòng-sù, sī tiòh hō· Sèng Sîn chhiong-moá; ¹⁹ēng si, ēng koa, ēng sîn ê hù, tãi-ke saⁿ in-tap, ēng sim gím si chok-gák lâi o-ló Chú; ²⁰bān sū siōng-siōng tī lán ê Chú Iā-so· Ki-tok ê miá lâi kám-siā Pē Siōng-tè; ²¹tiòh keng-ūi Ki-tok lâi saⁿ sūn-hók.

²²Choè hū-jîn-lāng ê, tiòh sūn-hók ka-kī ê tiōng-hu, chhin-chhiūⁿ sūn-hók Chú chit iūⁿ. ²³In-ūi tiōng-hu choè hū-jîn-lāng ê thâu, chhin-chhiūⁿ Ki-tok choè kàu-hoē ê thâu, iā ka-kī choè choān-thé ê Kiū-chú. ²⁴Chóng-sī kàu-hoē sūn-hók Ki-tok, hū-jîn-lāng hoān sū iā tiòh án-ni sūn-hók tiōng-hu. ²⁵Choè tiōng-hu ê, lín tiòh thiàⁿ hū-jîn-lāng, chhin-chhiūⁿ Ki-tok thiàⁿ kàu-hoē, iā thoè i hiàn ka-kī, ²⁶beh hō· i chiāⁿ-sèng, sī ēng chúi ê soé kap tō-lí lâi chheng-khì i, ²⁷beh chiong i hiàn hō· ka-kī choè ēng-kng ê kàu-hoē, bô tiám, bô jiàu-bīn, hit khoán lóng bô, chiū-sī sèng bô hā-chhū. ²⁸Án-ni tiōng-hu tiòh thiàⁿ i ê hū-jîn-lāng chhin-chhiūⁿ ka-kī ê sin-thé. Thiàⁿ ka-kī ê hū-jîn-lāng chiū-sī thiàⁿ ka-kī. ²⁹In-ūi bē bat ū lāng oàn-hūn ka-kī ê seng-khu, chiū-sī iúⁿ-chhi i, pó-sioh i, chhin-chhiūⁿ Ki-tok ê khoán-thāi kàu-hoē; ³⁰in-ūi lán chiū-sī I seng-khu ê pah-thé. ³¹In-ūi án-ni lāng beh lī-khui pē-bú, kiát-liân i ê bó·, in nng-ê beh chiāⁿ-choè chit thé. ³²Chit ê ò-biāu toā ah; goá kóng i, lâi chí Ki-tok kap kàu-hoē. ³³Chóng-

sī lín lāng-lāng sūi ê tiòh thiàⁿ i ê hū-jîn-lāng chhin-chhiūⁿ ka-kī; iā hū-jîn-lāng tiòh kèng-ùi i ê tiōng-hu.

6 Choè kiáⁿ-jī ê, lín tiām-tī Chú tiòh sūn-thàn lín ê pē-bú, in-ūi che sī eng-kai ê. ²Tiòh chun-kèng lí ê pē-bú, (che sī thau chit tiâu ū kâⁿ èng-ún ê kài), ³beh hō· lí heng-thong, tng hè-siū tī sè-kan. ⁴Choè lāu-pē ê, lín m̄ thang kek kiáⁿ-jī ê siū-khì; tók-tók tiòh ēng Chú ê kèng-kài kap kàu-hùn lâi poê-iúⁿ in.

⁵Choè lô·pók ê, lín tiòh kiaⁿ-hiáⁿ ngiāuh-ngiāuh-chhoah, ēng sêng-sít sim sūn-thàn chiàu jiók-thé choè lín ê chú-lāng ê, chhin-chhiūⁿ teh sūn-thàn Ki-tok; ⁶bóh-tit kan-ta tī bák-chiū cheng un-khūn, chhin-chhiūⁿ chhú hō· lāng hoaⁿ-hí ê; chiū-sī tiòh chhin-chhiūⁿ choè Ki-tok ê lô·pók, ēng sít-sim lâi kiāⁿ Siōng-tè ê chí-ì; ⁷kam-sim choè kang, chhin-chhiūⁿ ká Chú choè, m̄ sī ká lāng choè; ⁸in-ūi chai bô lūn choè lô·pók á-sī chū-iū ê, ták lāng só· kiāⁿ sím-mih hó, beh tui Chú lâi siū tò-tng. ⁹Choè chú-lāng ê, lín iā tiòh án-ni khoán-thāi lô·pók, bóh-tit háng-hoah in; in-ūi chai in kap lín tâng chit ê Chú tī thiⁿ-nih, chiū-sī bô ēng goā-māu chhú lāng ê.

¹⁰Kiat-bé lâi kóng, lín tiòh tiām-tī Chú kap I khui-lát ê koân-lêng lâi ióng-chòng. ¹¹Tiòh chhēng Siōng-tè choân-hù ê chiàn-kah, hō· lín oē khiā-chāi, lâi tí-ték Mô·kúi chiaⁿ ê khui-kè. ¹²In-ūi lán ê kau-chiàn m̄ sī tí-ték hiat-khì ê, chiū-sī tí-ték chiaⁿ ê pān cheng-sū ê, chiaⁿ ê chiáng-koân ê, kap chit ê àm sè chiaⁿ ê kun-ông, í-kíp thiⁿ-tióng pháiⁿ ê sîn-lūi. ¹³Só·-í lín tiòh ēng Siōng-tè choân-hù ê chiàn-kah, hō· lín tī hong-hiám ê jít-tng oē tiâu, kàu lín í-keng choè-chiāⁿ lóng-chóng ê sū iā iū-gôan khiā-chāi. ¹⁴Só·-í tiòh khiā khi chāi, ēng chin-sít hā io, ēng gī choè hō·sim-kiàⁿ, ¹⁵ēng

hō-pēng hok-im ê pī-pān, chhēng tī kha-nih; ¹⁶koh tiòh giā sîn ê tín-pai, ēng chit-ê chiaⁿ oē phah-biát pháiⁿ-ê it-chhè ê hé-chiⁿ. ¹⁷Koh niá-siū chín-kiū ê thau-khoe, í-kíp Sîn ê kiām, chiū-sī Siōng-tè ê oē; ¹⁸ēng ták iūⁿ ê kī-tó kap khún-kiū, sī-sī tī Seng Sîn lâi kī-tó, keng-seng tī chit-ê, ūi-tiòh lóng-chóng ê seng-tô· khún-kiū bô iā-siān; ¹⁹iā thoè goá kiū, hō· goá oē tit khui chhui hó-táⁿ lâi kóng, hō· lāng chai hok-im ê ò-biāu, ūi-tiòh chit-ê goá choè koā thih-liān ê khim-chhe; ²⁰iā tiòh kiū hō· goá tī chit ê ò-biāu oē hó-táⁿ, chiàu goá só· eng-kai kóng ê.

²¹Tók-tók beh hō· lín iā chai goá ê sū-cheng kap goá ê keng-hóng cháiⁿ-iūⁿ, ū só· thiàⁿ ê hiaⁿ-tī Chhui-ki-kó·, chiū-sī tiām-tī Chú chhīn-tiong ê chhe-ēng, i beh hō· lín chai lóng-chóng ê sū. ²²Ūi-tiòh án-ni goá tiâu-tī chhe i khi chiū-kūn lín, hō· lín chai goán ê sū, koh an-ùi lín ê sim.

²³Goān pēng-an kap jîn-ài hām sîn, tui Pē Siōng-tè kap Chú Iā-so· Ki-tok kàu tī cheng hiaⁿ-tī. ²⁴Koh kīⁿ-nā ēng boē pāi-hoāi ê thiàⁿ lâi thiàⁿ lán ê Chú Iā-so· Ki-tok ê, goān un-tián kap in cheng lāng saⁿ-kap tī-teh.